

ՏԻԿԻՆ N. N.-ԻՆ

ՅԱԿՈԲ ՅԱԿՈԲԵԱՆԻ

Չեմ նւիրում ձեզ ոսկեզօծած
Թանգագին զարդեր,
Ո՛չ թառամող խնամքով փնջած
Մայիսեան վարդեր.
Չեմ նւիրում ձեզ, աչքեր դրաւող
Գոհարեայ ակներ,
Որ երփներանգ ճաճանչը շող-շող
Ձեր կրծքին փայլէր,
Այլ նւիրում եմ անմահ Բախիթի
«Խենթ, Ջալալէդդին»
Ահա, ձեզ շուր գոհարների
Մի աշխարհ անգին.
Թող նորա լոյսը թափանցէ ձեր կուրծք
Ապրելու յոյսով,
Գուք առաջնորդէք նորա աստղերի
Կենսատու լոյսով.
Եւ այն աշխարհը, որին կոչում եմ
«Խենթ-Ջալալէդդին»,
Թողնել իբր աւանդ եւ ցանկանում եմ
Գալոցդ սերնդին: